

БӨЛІМ: ЖАЛПЫ РУБРИКА

Тақырыбы: Тұңғыш Президент

ЖАРИЯЛАНДЫ
30.01.2020СІЛТЕМЕ
<https://bilimger.kz/90828/>

Маңғыстау облысы Мұнайлы ауданы

Бесшоқы елдімекені

№ 9 «Бәйтерек» балабақшасы МКҚК

тәрбиешісі: Ровшенова Гульвира Фаизулаевна

Білім беру саласы: «Қатынас», «Әлеуметтік орта».

Ұйымдастырылған оқу іс — әрекеті:Тіл дамыту, көркем әдебиет.

Мақсаты:Елбасымыздың туып — өскен жері, өмір жолы, қызмет еткен кезеңі туралы мағлұмат беру. Рәміздермен таныстыру, президентіміздің ұстанымымен, өмір жолын үлгі етіп, балаларды Отанын, халқын, жерін сүйуге, батылдыққа, азаматтыққа, патриоттыққа тәрбиелеу.

Мотивациялық қозғаушы

Шаттық шеңбері:

Отаным менің кең — байтақ,

Жайнаған сансыз қаласы,

Ел — Отан біздің кең — байтақ,

Отанның біздер баласы.

— Балалар, бүгінгі тақырыптық ашық оқу қызметіміз қызықты өтпек, себебі бүгін мереке, бүгін — Президент күні. Тақырыптық ашық оқу іс — әрекетімізде біз үш топқа бөлініп отырамыз.

Іздену ұйымдастырушы

— Бүгінгі тақырыптық ашық оқу іс — әрекетіміздің тақырыбы: «Президент - ел тірегі».

Ашық оқу іс — әрекетіміздің басында Президентіміз Нұрсұлтан Әбішұлы Назарбаев жайында деректі фильм көріп жіберейік.

Тосын сәт: Слайдтан ғаламшардан келген Томпақ көрінеді.

Томпақ: Сәлеметсіздер ме, балалар! Мен ғаламшардан келдім. Менің атым — Томпақ. Мен сендердің елдерің туралы білгім келеді.

Тәрбиеші:

— Сәлеметсіз бе, Томпақ! Келгеніңіз қандай жақсы болды, бүгін бізде мереке, біздің еліміздің - президент күні.

Томпақ:

— Мерекелеріңіз құтты болсын!

Жүргізуші:

— Балалар, Томпаққа өз еліміз туралы айтпас бұрын өз тобымыз туралы айтып өтейік.

1 — топ. «Астана» тобы.

— Астана - Қазақстан Республикасының бас қаласы. Астана қаласында - Бәйтерек, Қазақстан Республикасының президенттік мәдени орталығы, резиденциясы, «Думан» ойын - сауық орталығы бар.

2 — топ. «Алматы» тобы.

— Алматы - Қазақстанның әдемі қалаларының бірі. Алматы қаласында - Медеу мұз айдыны, Көктөбе ойын-сауық кешені, 14 театр мен 25 мұражай және апорт алмасы бар.

3 — топ. «Ақтау» тобы.

— Ақтау — Қазақстанның ең әдемі, жас қаласы. Ақтау қаласында Жантурин атын — дағы драма театр, көптеген кинотеатрлар, «Ақтау», «Ардагер», «Бәйтерек», ойын — сауық кешендері және Каспий теңізі бар.

Томпақ:

— Жарайсыңдар, балалар, Қазақстанның қалаларын біледі екенсіңдер, енді менің сендерге қояр сұрақтарым бар.

— Балалар, Отаныңыз қалай аталады?

— Біздің Отанымыз - Қазақстан Республикасы.

— Президентіңіз кім және президентіңіз туралы не білесіңдер?

— Қазақстан Республикасының президенті Н. Ә. Назарбаев.

— Н. Ә. Назарбаев Алматы облысында дүниеге келген. Мектепті жақсы оқыған, ұшқыш болуды армандаған.

Камила:

Елбасымыз жолдайды,

Халқы оны қолдайды,

Ешқашанда орынсыз

Шешімдері болмайды.

Аружан:

Елбасы елді қорғайды Халық қамын ойлайды,

Осындай жақсы адамның,

Жақсылығы тарайды.

Назым:

Тәуелсіздікті елге сыйлады,

Бейбітшілікті қалады,

Орындалып — арманы,

Халқымызда — ажарлы

Осының бәрі — әрине,

Елбасының - арқасы.

— Өте жақсы балалар, келесі менің білгім келетіні, Қазақстан Республикасының рәміздерін білесіңдер ме?

— Қазақстан Республикасының рәміздері: ту, елтаңба, гимн.

— Қазақстан Республикасының Мемлекеттік Туы 1992 жылы маусым айында бекітілді. Тудың авторы: Ш. Ниязбеков.

— Қазақстан Республикасының Мемлекеттік Елтаңбасы 1992 жылы 4 маусымда бекітілді, авторы: Мәлібаев және Уәлиханов.

— Қазақстан Республикасының Мемлекеттік Гимнінің әнін жазған Шәмші Қалдаяқов сөзін жазғандар: Жұмекен Нәжімеденов, Нұрсұлтан Әбішұлы Назарбаев.

Тәрбиеші:

— Жарайсыңдар, балалар, шаршап қалған болармыз, сергіту сәтімен бір сергіп алайық.

Сергіту сәті:

Балалар слайдтағы балалармен бірге «Қазақ жігіттері» әніне билейміз.

— Көрдiң бе, Томпақ, бiздiң балалар өз елiнiң президентi, рәмiздерi жайлы барлығын бiледi.

— Ендi балалар, қазақтың салт — дәстүрi бойынша келген қонақты құр жiбермейiк, Томпаққа өз қолымызбен естелiк жасап берейiк.

«Астана» тобы – Алдымызда киiз үйiмiздiң керегесi керiлiп, уықтары шаншылып, шаңырағы көтерiп дайын тұрған макетi бар. Сол макеттi қазақтың ою — өрнектерiмен әшекелейiк.

«Астана» тобының балалары киiз үйдiң макетiне, алдымен керегесiнiң ою — өрнектерiн жапсырады, содан кейiн есiгiн орналастырады.

«Алматы»тобы — ақ қағаздың ортасына күндi, жан — жағындағы шуағына әр ұлттың суреттерiн жапсырамыз.

«Алматы» тобының балалары ақ қағазға күндi, жан — жағындағы шуағына әр ұлттың өкiлдерiнiң суретте — рiн жапсырады.

«Ақтау» тобы — ақ қағазға трафаретпен қазақтың ою — өрнектерiн басамыз.

«Ақтау» тобының балалары

Трафаретты пайдаланып, губкамен қазақтың ұлттық оюын жасайды.

Әнет:

— Томпақ, бiз саған естелiкке қазақтың ағаш үйiн беремiз.

Аружан:

— Ал бiз Қазақстанда барлық ұлттың өкiлдерiмен тату — тәттi өмiр сүрiп жатқанымызды бейнеледiк.

Кәусар:

Бiз Томпаққа қазақтың ою — өрнектерiн сыйлаймыз.

Томпақ:

— Рахмет, сiздерге балалар, мен қатты қуанып тұрмын сiздердiң берген сыйлықтарыңды мен өз ғаламшарыма алып кетемiн. Сау болыңыздар!

Балалар Томпақпен қоштасады.

Тәрбиеші:

Егеменді ел болып, тәуелсіздіктің көк байрағын көтерген сәт — Қазақстанның әр азаматы үшін қуаныш, тарихтың үлкен бетбұрысы болғаны анық. Осының бәрі — еліміздің тұңғыш президенті — Н. Ә. Назарбаевтың арқасында!

Бүгінгі президент күніне арналған тақырыптық ашық оқу іс — әрекетімізді аяқтаймыз.

Рефлексті коорекциялаушы

— Балалар, бүгін бізге қонаққа кім келді?

— Томпақ бізге риза болды ма?

— Томпаққа сыйлыққа не беріп жібердік?

Балалар сұрақтарға жауап береді

Күтілетін нәтиже:

Білу керек: Қазақстан Республикасының президентін таниды, өмірімен танысады.

Игеруі: Рәміздер туралы түсініктері бар.

Білді: Ағаш үйді оюлар мен әшекейлей білді.

ҚМ АА Куәлік нөмірі: **KZ45VPY00102718** — ҚР Мәдениет және Ақпарат министрлігі

© 2026 **Bilimger.kz** Ақпараттық-танымдық білім порталы. Барлық мазмұн авторлық құқықпен қорғалған.